

Nuutste oor SARS se belastingseisoen vir individue en trusts

Tshwane, 5 Augustus 2021 - Die Suid-Afrikaanse Inkomstediens (SARS) herinner nievoorlopige belastingpligtiges om hul opgawes in te dien, deur die veilige en gerieflike digitale kanale aan hul beskikbaar, teen die sperdatum van 23 November 2021.

Die beskikbare digitale kanale vir verskeie dienste sluit in eFiling, die SARS MobiApp, die SARS-webtuiste en die SMS-diens wat onlangs bekendgestel is. Dit is veilig om te gebruik en sal help om die verspreiding van Covid-19 te bekamp, omdat belastingpligtiges dit uit die gemak van hul eie tuistes kan gebruik.

Die SMS-diens stel belastingpligtiges, met beperkte toegang tot rekenaars of slimfone en beperkte data, in staat om 'n SMS aan SARS te stuur deur die nommer 47277 om uit te vind of hulle 'n belastingopgawe moet indien of nie (nie alle belastingpligtiges word vereis om 'n opgawe in te dien nie).

Belastingpligtiges kan ook 'n SMS stuur aan 47277 om 'n belastingverwysingsnommer en 'n rekeningstaat of saldostaat te versoek. Dit kan ook gebruik word om 'n afspraak te maak om met 'n SARS-agent te praat of om 'n tak te besoek. Besonderhede oor hoe om die SMS-diens te gebruik is beskikbaar op die SARS-webtuiste www.sars.gov.za.

Ander digitale kanale, soos eFiling en die SARS MobiApp, kan gebruik word om 'n gebruikersnaam en wagwoord te herset, om 'n opgawe in te dien, 'n belastingnakomingstatus te bekom, betalings te maak, en vele meer.

SARS het 3.4 miljoen outo-aanslae uitgestuur sedert 1 Julie. Nagenoeg 1 miljoen belastingpligtiges het tot op datum die outo-aanslae aanvaar, met nagenoeg 800 000 van hulle wat dit sonder enige veranderinge aanvaar het. Dit verteenwoordig 'n 82% aanvaardingskoers.

Al hierdie interaksies met SARS is deur behulp van eFiling en die MobiApp verrig, met die MobiApp wat 'n 60% hoër gebruikskoers toon teenoor verlede jaar.

SARS het R8 miljard in terugbetalings uitbetaal, wat 87% uitmaak van diegene aan wie terugbetalings verskuldig was. Die terugbetalings is binne 72 uur aan die belastingpligtige uitbetaal, wat verdere bewys is dat digitale kanale tot die voordeel van belastingpligtiges werk.

Belastingpligtiges wat geen van hierdie kanale kan gebruik nie, kan 'n afspraak maak om enige SARS-tak, wat op 16 Augustus sal heropen, te besoek. Die versoek vir 'n afspraak sal deur SARS bevestig word en belastingpligtiges met bevestigde afsprake sal voorkeur kry - ander belastingpligtiges sal daarna aandag ontvang.

Daarby sal SARS ander eksterne diensnodes gebruik, soos mobiele belastingeenhede en opwipkiosks in verskeie digbevolkte areas om dienste aan belastingpligtiges selfs verder uit te brei. Besonderhede oor datums en liggings sal op die SARS-webtuiste www.sars.gov.za geplaas word.

Kommissaris Edward Kieswetter het gesê: "Ek doen 'n beroep aan belastingpligtiges om asseblief versigtig te oorweeg of dit werklik nodig is om 'n tak te besoek of om liever van ons opgegradeerde en gerieflike digitale kanale gebruik te maak."

Vir meer inligting, kontak SarsMedia@sars.gov.za